

施南府志卷之十五

知施南府事王協夢監修

食貨

蠲卹

施舍己責王政所崇是以恩蠲災賑歷朝不廢

本朝

聖聖相承民依在念

推恩行慶膏澤頻施偶遇偏災卽時蠲賑其事屬全省

毋庸分載惟及府屬者始登諸志以昭

施南府志

卷之十五

食貨

一

聖恩優渥不遺一隅庶耕鑿之侶謳歌勿忘云志蠲卹

宋

治平二年施渝州大水遣使行視疏治賑恤蠲其租賦

宋史英宗本紀

淳熙十二年冬十月甲寅蠲施州經制無額錢

宋史孝宗本紀

國朝

乾隆三年正月定施南賦額奉

上諭乾隆二年未完秋糧一併豁免欽此

乾隆三十八年八月奉

上諭據陳輝祖奏此次沿站民夫因官兵經過運送軍械等項咸爭來站受僱如宜昌巴東一路人烟稀少其旁近之恩施宣恩建始等縣民夫亦多自行趨集軍營偶有遺失行裝隨路趕送交給等語此誠佳事該省上年過兵地方本年新正曾經加恩緩徵今沿站旁近各縣民夫俱能踴躍急功各効子來之誼自宜再沛恩膏用照獎勸著該署督查明恩施宣恩建始三縣量緩徵十分之幾奏聞請旨再直隸河南陝甘雲貴等兵丁經過各州縣節經降旨加恩分別緩

施南府志

卷之十五

食貨

二

徵其沿站旁近之州縣民夫如有協助辦差出力者並著該督撫一體察明具奏候朕酌量加恩以普一視同仁之意該部卽遵諭行欽此

嘉慶元年正月前此

恩詔普免案內先儘乾隆六十年被水勘不成災等州縣暨附近苗疆施南府屬六縣共計二十九州縣衛作爲首次於是年蠲免

七月蠲免施南府屬六縣應徵各款正項及耗羨雜課錢糧

八月蠲免宣恩縣本年地丁錢糧

又蠲緩恩施來鳳咸豐利川建始宣恩等縣應彙同被水等州縣共四十三州縣應以嘉慶丙辰至戊午年共蠲免三次

二年正月蠲免恩施利川二縣應徵錢

九月以旱乏食恩施建始利川普行賑給賑三月並予房屋修費

三年來鳳當陽二縣賑濟本色米共八千一百六十九石二斗給修房屋銀共叁千叁拾柒兩壹錢二縣被賊

施南府志

卷之十五

食貨

三

滋擾故賑給湖北通志

八年正月奉

恩詔蠲免恩施宣恩來鳳咸豐建始等被賊滋擾地丁錢糧全行蠲免

普濟堂

施南府屬六縣每縣八名共銀貳拾兩壹錢陸分總額孤貧四十八名每名貳兩伍錢貳分額載口糧花布共銀壹百貳拾兩玖錢陸分在奏銷項內

施南府志卷之十五終